

Staðfesting forsetans á skipulagsskrá fyrir „Menningarsjóð bréfbæra í Reykja- 37
vík“, útgefin á venjulegan hátt að mandatum af dómsmálaráðherra 1. apríl 1954. 1. apríl
Skipulagsskráin er þannig:

SKIPULAGSSKRÁ

fyrir Menningarsjóð bréfbæra í Reykjavík.

1. gr.

Sjóðurinn heitir Menningarsjóður bréfbæra, og er til orðinn af sektum, sem bréfbærar greiddu, ef þeir mættu of seint til vinnu á morgnana, ásamt frjálsum fram-
lögum bréfbæra á árunum 1937—1953. Tilgangur sjóðsins er að styrkja bréfbæra í
Reykjavík eftir þeim reglum, sem felast í þessari skipulagsskrá.

2. gr.

Tekjur sjóðsins eru vextir, gjafir, áheit og tillög félagsmanna. Sjóðurinn skal
ávaxtaður í Landsbanka Íslands eða í ríkistryggðum skuldabréfum.

3. gr.

Stjórn Málfundafélags bréfbæra í Reykjavík annast stjórn sjóðsins og ávaxtar
hann í samræmi við tillögur aðalfunda félagsins. Hún veitir styrki úr sjóðnum
og ráðstafar eignum hans að öllu leyti, ef annað er ekki tekið fram í þessari skipu-
lagsskrá. Stjórn sjóðsins skal færa eða láta færa allar eignabreytingar sjóðsins í
þar til gerða bók, sem samþykkt er þar til af endurskoðendum félagsins. Stjórnin
skal gefa nákvæma skýrslu um fjárhag sjóðsins á hverjum aðalfundi. Reikningar
sjóðsins skulu miðaðir við áramót. Endurskoðendur skulu kosnir á aðalfundi til
1 árs ásamt varaendurskoðanda.

4. gr.

Stjórn sjóðsins er ábyrg fyrir eignum sjóðsins. Gjaldkeri er skyldur að greiða
það sem vantar í sjóðinn, ef sjóðþurrð verður, en ef eignir gjaldkera hrökkva ekki
til skulu aðrir stjórnarmenn skyldir að greiða það sem á vantar að jöfnu, enda
skulu þeir og hafa rétt til þess að kynna sér fjárreiður sjóðsins hvenær sem er, án
þess að nefna til þess sérstakar ástæður.

5. gr.

Ef breytt er nafni félagsins (þ. e. MBR), lögum þess eða markmiðum, skal
sjóðurinn þó tilheyra félaginu, ef félagsmenn eru starfandi bréfbærar og félagið er
opið öllum starfandi bréfbærum í Reykjavík.

Ef Málfundafélag bréfbæra í Reykjavík er lagt niður, en annað félag, sem er
opið öllum starfandi bréfbærum í Reykjavík og þeim einum, starfar, skal það félag
eignast sjóðinn og annast stjórn hans.

6. gr.

Þegar sjóðstjórnin úthlutar styrk verða allir stjórnarmenn að vera viðstaddir
eða varamenn í þeirra stað. Afl atkvæða ræður úrslitum.

7. gr.

Þeir, sem óska að fá styrk úr sjóðnum, skulu sækja um hann til sjóðstjórnar
fyrir 1. júní ár hvert. Í umsókninni skal upplýst, hvernig nota skal styrkinn.

37

1. apríl

8. gr.

Þeir einir geta fengið styrk úr sjóðnum, sem eru fullgildir og löglegir félagar í Málfundafélagi bréfbæra í Reykjavík, með þeim undantekningum einum, sem felast í 5., 10., 13. og 14. gr. þessarar skipulagsskrár.

9. gr.

Úthlutun styrkja skal svo haga, að þeir sem elztir eru í félaginu gangi fyrir að öðru jöfnu. Einnig skal taka tillit til þess, hve mikinn styrk umsækjandi hefur fengið áður. Enginn getur fengið styrk oftar en einu sinni á hverjum 10 árum, nema alveg sérstakar ástæður séu til.

10. gr.

Það skal vera aðalregla, að veita ekki öðrum styrk úr sjóðnum en þeim, sem sótt hafa um hann, en auk þess er heimilt að styrkja eftirfarandi:

1. Iðna og áhugasama sjóðgreiðendur, sem sér með námi eða ferðum erlendis afla sér þekkingar í starfgrein sinni.
2. Kynni og samstarf sjóðfélaga við starfsbræður í öðrum löndum.
3. Ekkjur látinna sjóðsfélaga.
4. Mál eða málefni, er teljast verða bréfbærestéttinni í heild til heilla, enda sé ekki unnt að afla fjár til þess á annan hátt. Þó má aldrei ráðstafa fé sjóðsins á þennan hátt, nema áður sé fengið til þess samþykki fundar, sem boðaður hefur verið á löglegan hátt samkv. félagslögum og þess getið í því fundarboði, að ræða skuli fjárveitingu þessa.

11. gr.

Upphæð, sem ekki er úthlutað af einhverjum ástæðum, leggst við höfuðstól.

12. gr.

Úthluta má allt að helmingi af tekjum sjóðsins, þar til sjóðurinn nemur kr. 50000.00 — fimmtíu þúsund krónum —, en þegar sjóðurinn hefur náð þeirri upphæð skal næsti aðalfundur félagsins ákveða hve miklum hluta af tekjum sjóðsins verði úthlutað í framtíðinni. Höfuðstól má aldrei skerða, nema hann sé notaður samkv. 13. og 14. gr. þessarar skipulagsskrár.

13. gr.

Ef Málfundafélag bréfbæra er lagt niður og ekki er næstu 3 ár starfandi félag, sem samræmist ákvæðum 4. gr. þessarar skipulagsskrár, skal sjóðurinn settur undir opinbert eftirlit og notaður til þess að semja og gefa út sögu bréfbærestéttarinnar og þeirra manna, sem verið hafa í MBR eða öðrum þeim félögum, sem haft hafa umsjá með sjóðnum. Skal ráðherra sá, sem fer með póstmál, ráða mann til þess að sjá um þetta verk. Þyki sjóðurinn of lítill til þess að unnt sé að ráðast í þessa útgáfu, skal hann ávaxtaður þar til hann þykir nægja.

14. gr.

Ef afgangur verður af sjóðnum, þegar búið er að gefa út rit um sögu bréfbærestéttarinnar, svo sem segir í 13. gr., eða slíkt rit hefur áður, nýlega, verið gefið út, svo að útgáfan af þeim ástæðum er óþörf, skal sjóðnum varið til þess að styrkja fátæka en efnilega bréfbæra til þess að afla sér þekkingar á pósthöfundum. Úthlutun þeirra styrkja annast þá þriggja manna nefnd og skulu 2 nefndarmenn kosnir af bréfbærum í Reykjavík til eins árs, ásamt varamanni og endurskoðendum, og einn til-

nefndur af ráðherra þeim, sem með póstmál fer, og er hann formaður nefndar- 37
innar. Þessi nefnd skal þá einnig setja nánari reglur, sem tryggja það að styrkurinn 1. apríl
komi að tilætluðum notum.

Reykjavík, 22. marz 1954.

F. h. Málfundafélags bréffera í Reykjavík
Gunnar Einarsson. Kristinn Árnason. Sigurður Heiðberg.

AUGLÝSING

38

5. apríl

um breyting á gjaldskrá fyrir Rafveitu Akraness, nr. 60 4. maí 1951.

Stafliðir B og D í I. kafla gjaldskrárinnar orðist svo:

B. Til heimilisnotkunar.

Um kwst.mæli á 38 aura hverja kwst.

Notandi greiði auk þess fastagjald, kr. 5.00 á mánuði fyrir hvert herbergi, sem ætlað er til íbúðar, og eldhús. Herbergi, sem er minna en 5 m², skal reikna sem hálf, eða stærra en 25 m² sem tvö.

D. Til hitunar.

Um kwst.mæli á:

1.	13	aura	hverja	kwst.	með	allt	að	1½	klst.	rofi	á	sólarhring.
2.	12	—	—	—	—	—	—	2½	—	—	—	—
3.	9.5	—	—	—	—	—	—	4½	—	—	—	—
4.	7	—	—	—	—	—	—	14½	—	—	—	—
5.	26	—	—	—	—	—	—	án	rofs.			

Gjaldið breytist hlutfallslega með útsöluverði á kolum í Reykjavík á hverjum tíma, en miðast hér við kolaverðið kr. 420.00 hvert tonn heimkeyrt.

Önnur skilyrði fyrir raforkusölu til hitunar.

- Að raforka sé aflögu vegna almennrar notkunar (forgangsnokkunar) að dómi rafveitustjóra.
- Að vélaafl, spennar og línur þoli álagið að dómi rafveitustjóra.
- Að straumur sé rofinn á tilskildum tímum með sjálfvirkum rofa og kosti notandinn tengingu rofans og greiði leigu af honum samkvæmt II. kafla.
- Að tæki, lagnir og allur búnaður í sambandi við rafmagnshitunina sé samkvæmt fyrirmælum rafveitunnar og settum reglum, m. a. ofnar fasttengdir með sérstökum rofum og hitastillar notaðir.
- Að notkun um mæli hitalagningarinnar sé eigi minni en 6000 kwst. á ári.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnuáráðuneytið, 5. apríl 1954.

Steingrímur Steinþórsson.

Dorv. K. Þorsteinsson.